

灌陽縣志卷之十一

人物一

山之輝也石蘊玉川之媚也水懷珠故山川有珠
正而稟清淑之氣者遂鍾而為瑰瑋奇特之人或
為理學或為名臣或為文章經濟或為忠孝廉節
生才不間於古今樹績不分於窮達天地間所賴
以持綱常扶名教參贊乎天地輔助乎萬物者匪
異人任也故采擇必真不徇己不徇人不以砥礪
亂正魚目混珠乃得與山川爭輝媚也述人物

鄉賢

灌陽縣志

卷之十一

傳

鄧 義字時宜歲貢生登胄監歷政夏官授廣東
高州府同知修政庶尹陞布政司右參議誥授
亞中大夫

楊 鏊字時濟號靜可年二十中宏治甲子舉人
正德戊辰乙榜丁丑進士四川按察司僉事鏊
稟雋才讀書刻苦有大志擢乙榜時授浙江秀
水縣教諭未幾艱丁內外服闋授湖廣東安縣
教諭以學校衰力為振興朝夕不懈諸生有起
而領鄉薦者及入南宮授行人司行人奉旨使



昔稱躋晉貴州道監察御史委巡倉場漕運例
有隨糧輕齎脚價前運官支銷無稽往往侵公
用已鑿奏此項出自民脂請嚴查考奏上允之
自是歲積輕齎贏銀凡五萬餘兩計可造糧船
五百隻積蠹爲之肅清既委按議者以應天高
淳縣養馬數百匹派撥寧國府宣城等五縣分
養檄至五縣民聚數萬餘鬪鬧凌辱官府鑿馳
詣撫諭解散法治渠魁調停馬政差科使高淳
仍舊養馬五縣分派差科十數年結構一旦紆
焉其才能若此深陽有彭

灌陽縣志

卷之十一

列傳

二

其毒者無數綽交結道
黨置獄民賴以安其得代也民送者如堵寧國
之民戴德且立生祠塑像以事鑿居言路五年
風裁懍懍其建白薦舉彈劾九十餘疏無一不
切事理洽輿情識者頌爲真御史也尋補四川
按察司僉事適芒部土官隴氏兄弟爭立其酋
沙保挾之以叛撫臣徂征得僞沙保獻捷未幾
沙保復判撫臣以荒歉請罷兵但議擒首惡以
鑿能屬之至揚威信諭利害諸酋誓服遂擒沙
保及子普奴家屬出不煩兵食而大亂平柄事

者欲諱前僞令勿報罄曰非要功第以有爲無事屬欺君吾不敢也報之乃勞敘未下而謗言果興罄於是見幾作矣生平身篤忠孝蒞政公明懿行嘉言難於盡錄所著有題稿若干卷巡倉政畧二卷按治南畿政畧若干卷經理馬政事宜二卷靜可詩文集若干卷悉成一家體裁長子清嘉靖乙酉舉人次子深嘉靖丁酉舉人

蔣

澤嘉靖間歲貢生任平樂府學訓導

唐

相正德間福建連江典史明於折獄或以勢挾之相曰以位雖可挾以實難挾流賊入縣

灌陽縣志

卷之十一 列傳

三

率兵擊之而自出諭賊遂退嘗乘湖闌有功民歌之曰唐公爲我興水利事旣竣兮我不費思昔劉鞠二公介不過是

福建名宦志

蔣正元嘉靖中以歲貢授浙江新昌知縣民稱爲蔣父倡創義倉以賑荒申除斗級之害遷藩府長史值寇亂以身蔽王遂遇害

浙江名宦志

吳國藩萬曆丙午舉人四十五年署欽州學正端力正直一時士子皆宗之掌州篆廉明有斷興萃深洽民情如新舊學遷明倫堂招致賊首黃月明皆善政之大者尋擢西寧知縣

廣東名宦志

唐世輔天啟間黃巖知縣時里役苦於解餉下車

卽草去以官封運解歲省費甚多 浙江名宦志

戴之聘篤學有文名萬厯間歲貢授廣東普寧令

有善政骨鯁不事逢迎改授益藩理問校尉有

不檢者以法繩之忤王意遂拂袖歸杜門著述

教子窮經子明聖登戊午經魁厯官戶部主事

以清節著明徵登天啟甲子賢書隱居不仕聖

子宸眷登崇正壬午亞魁人以爲厚德之報云

蔣佳徵號虛舟天啟甲子舉人崇正中知南京

胎縣事有聲縣故無以佳徵知賊必至訓民爲

灌陽縣志 卷之十一 列傳 四

兵十年秋賊果來犯設伏害親率兵往誘賊

死者甚眾賊怒環攻之力斬死母聞之亦投繯

死兵部議贈奉訓大夫尙寶寺少卿未幾巡按

御史言佳徵子忠母義宜賜謚廕以植倫常乃

建表忠祠并母奉祀 明史忠義傳 乾隆四十年

賜謚烈愍

附肝胎舉人周永緒作邑侯蔣公本傳○邑侯

蔣公諱佳徵字五休號懋德一號虛舟廣西桂

林府灌陽縣人天啟甲子科領鄉薦父抱一公

己未貢天廷兄佳循登戊午解元弟佳衡廩

生侯蓋家仲也父子兄弟間時以忠孝相勸勉

而侯尤不苟言笑做秀才時每志任天下於崇

禎丙子秋選任我肝我肝乃基運發祥地蒞是

邑者得瞻仰祖宗廟貌快觀二百餘年根本良

灌陽縣志

卷之十一

五

亦不偶然俗每稱難治者亦以土壤瘠瘠迎送
 衝煩公廷多匪人錢糧多飛詭間賢士夫有積
 弊不得日上聞任非長才鮮不為困愆此因地方
 以難乎抑不虛其人以治之而非地之果難
 於治也侯下車虛公聽覽納薦紳論探者老談
 為之補偏救弊一之意鍾憐百姓非盜賊大故不
 輕加三尺而左之無良者率重懲之其聽政
 呵責焉侯親民而聖讒居官固已得大頭顯矣
 呵錢糧之積弊在總書總書受富者之賄輒將
 錢糧灑孤富者每種無糧之田而貧者之苦戶授
 悉此弊嚴加釐審較刻成書永垂一見了然惠莫
 以易知單糧數銀數限數鄉愚一星日各戶分
 大焉上計保戶餘兩此皆公欽為私費究之約
 毫未先計保戶餘兩此皆公欽為私費究之約
 用米百餘石銀百餘兩此皆公欽為私費究之約
 私費先完而公欠如故其利有保戶也侯悉
 此弊首為革除勸里如故其利有保戶也侯悉
 課省此一精神以從正課而各里之用以完正
 矣吁民土客雜處客以多費者每置膏產而無
 差侯立外郡當差之流以進戶莫能支侯於正額
 以驛站衝繁輪蹄如織馬戶莫能支侯於正額
 之外量幫之詳示以告遠近無不誦仁人之言
 利溥者三六集往時借查集為名一差下鄉
 索詐酒飯驢脚使動至數十千緡真雞犬不
 寧矣侯悉此弊絕不用動至數十千緡真雞犬不
 令本集鄉約地方自差不報各集安然而野人
 之戴德者無不尸祝之至於日用薪米與小民
 平買不立官價錢糧止完正數不取火耗即充
 除備賑外未嘗多及斗石嘗徵漕米餘耗即充
 餉毫不自私也侯之操誠冰清雪皎矣任方數
 月仁聲遠播嘗至中都謁部守郡雪皎矣任方數
 侯立訊之播嘗至中都謁部守郡雪皎矣任方數
 縣有蔣青天人輸服郡守稱賢不置而十州
 城民散居山麓值崇禎八年賊犯中都邑無
 震自恃此盤踞安六蹂躪鳳和百姓連歲逃避然
 官吏侍以無恐者兵火未及則協守州縣原不
 涉權宜可邀寬格也侯楚然曰不然州縣原不
 相代何協焉倘以淮流咫尺欲作長城如遠距

灌陽縣志

卷之十一

列傳

六

他方將若何亦相率而走乎今惟死守吾土耳
 一日屬我等籌之曰賊迫矣當道羽書日三四
 下矣余意阻塞散巷於街道中余帥兵持矢石
 堅閉地方人執戈矛以距其中余帥人皆喜其保
 障之得法爰是外想亦無憂衝突也人皆喜其保
 捐俸金以倡百姓俱鼓舞捐資擬置磚木
 鳩工無何而寇環於疆緩不濟事矣時崇禎十
 年七月二十日也侯下令曰余守此爾百姓願
 避者聽遂率壯勇扼總李枝望鄉兵三百五十
 名結營第一山巔以拒賊直指梁公雲構慮其
 單調浙營衛營兵佐之晝則喧金振鼓夜則燃
 芻擊柝蓋不暇檣沐者數日賊偵探聲勢亦潛
 遁數十里時侯於軍務稍暇惟清算新舊錢糧
 支銷存留清登書記令吏移貯州城侯之志自
 分必死必不糊塗國帑以貽代者之口實至二
 十三日早獲哨賊四人縛送直見畢拜辭其
 母慰勉之躬擇甲冑密諭家人於櫺中置文
 房之具蓋欲疏奏甲冑密諭家人於櫺中置文
 縣峴胡公淵自山而奔告尸賊大隊入東門將
 薄營矣侯曰公既致身我眾寡不敵誓必死報
 胡泣曰公既致身我眾寡不敵誓必死報
 馬至營見賊數萬蜂擁相時僅數武忽紅
 衣賊渠躍馬前呼曰打去路無傷噫此彼賊
 活則我撒銀錢放一之條去路無傷噫此彼賊
 偷生之故智而今日之賊應弦而倒不見殺賊之
 也侯大怒發矢射之餘賊應弦而倒不見殺賊之
 發擊苑從賊數十餘賊眾大潰退數里我兵氣
 奮無不一以當十時賊屢犯屢敗相持自巳至
 申我營屹然不動惟侯平日之慈惠臨敵之義
 勇沁服人心非惟不敢散兼亦不忍散無何天
 欲禍盱我營大殲赤焰赭天鎗無可放賊乘烈
 害焉時胡公淵浙營都司王寅陳震亨鄉壯把
 總李枝望陳希禹以及伍伯陳光耀侍吏鄭漢
 皆枕藉左右生相死難淮北者見山頭陣而
 著民居百姓攜眷避難依侯忠感也賊頭陣而
 勇敢數十輩拚死過河持挺逐之賊驚大兵四
 至遂遁去次日首壇拜而哭之此旌忠成美之
 哀痛柏臺潔祭一壇拜而哭之此旌忠成美之

殊遇也題贈題廕有日矣八月初旬民始歸家
葺治煨燼夜聞侯仍於治座傳呼士馬人等曰
賊北渡可從余追殺之始知侯英風浩氣充塞
兩間其靈應依護山城而不散也月中旬民有
被虜潛回者云賊首至溜子口下令曰誰殺蔣
知縣者受賞一賊挺身而出賊首叱之曰清廉
縣官誰命汝殺之隨斬以殉侯母臨難以死敵
勸勉其子侯父抱一公居家嘗聞鍼訓且時寄
金以濟用之不足吁若此忠義一門克稱昭代
軼事矣不肖竊取侯之功德見聞最確者立為
特傳以俟採風之君子至於建祠妥靈請祀名
宦配祀胡公並兩將弁紳士輩方卜日從事云

楊 淮號宋莊明嘉靖壬子舉人丙辰乙榜江西

宜黃知縣蒞任築城垣修文廟興學校招兵守
治保全地方癸酉鄉試分校得元餘多知名士

復倡修邑志士民戴德建生祠人名宦以父鑾

灌陽縣志 卷之十一

列傳

七

年九十七歸養

唐世熊號曲水萬曆乙卯鄉薦授富川教諭升翰

林待詔崇正初歷吏禮二部司務兵部武庫司

郎中轉永平知府甫下車見民居半燬村落邱

墟極力撫綏民有起色九年秋永復困於兵熊

捐俸賑救全活者萬餘人會宦者高起潛督邊

聲勢赫奕監司以下莫不膝行惟謹熊獨長揖

不屈大拂其意後叙功應優陞僅移山東鹽運

使十二年正月濟南城陷熊守西門死之巡撫

王觀光上聞有旨優卹崇正十五年督學王景

明檄祀鄉賢乾隆四十一年

賜諡節愍

唐世照號伯闇萬厯壬子舉人幼孤奉母以孝聞仕饒州通判改雁門關守以邊才受知督府題署代州三年實授蘄州廉敏有吏才士民愛戴時西川流賊張獻忠犯楚江黃騷動照設立三關募敢死士守禦間發伏兵屢殲渠賊城賴以全在任八年卒民歌思之祀名宦崇正十五年督學王景明檄祀鄉賢

灌陽縣志

卷之十一

列傳

八

川州知州有循聲

唐允中字闡洪登萬厯己酉賢書其父唐子繼鄉里推重允中厯官廣東提舉黃州府同知屢膺薦獎升建昌知府乞歸養親父九十四歲卒哀毀過甚歿崇正十六年提學余朝相檄祀鄉賢孫象益舉康熙丙午解元元孫宜甲舉壬午賢書子孫蕃衍迄今四代列紳衿者四十餘人人以爲世德之報

陸經術字仁敷萬厯乙卯舉人賦性端方厯安仁臨安令以吏才薦陞北城兵馬司指揮轉戶部

主事剛直忤宦官調綿竹令值流寇破川西公
加築城垣百計堵禦城賴保全收活流民以萬
計叙功陞成都府同知加授川西兵備僉事以
憂歸士民泣留建祠以祀提學余朝相檄祀鄉
賢

李 高字仰之號古臺仁壽里人正德癸酉舉人
嘉靖二年進士爲南臺御史時元城令張好古
收泰和伯陳萬言家屬治之萬言藉寵白之上
因遣官校逮好古下獄高率諸御史上奏曰昔
漢馬廖慮美業之難終三至意於官中四方勸

灌陽縣志

卷之十一

列傳

九

成明德號稱賢戚漢光武不以姊湖陽公主之
故加怒洛陽令董宣史臣稱之願陛下釋好古
復其官勸諭萬言追跡馬廖不失賢戚之名不
但元城人式歌且舞天下必傳誦無窮已奏入
下法司好古獲免人以高一疏婉切有體云

及載

鄧 綸上四保人天順乙卯科鄉薦授湖廣湘鄉
縣知縣作興學校勸課農桑適遇旱公教民築
塞陂堰創造水車四境沾溉至今湘鄉之民咸
利賴焉以親老乞歸終養民不能舍立有生祠
復入名宦奉祀

唐之柏字長卿號松交昭義鄉人順治丁酉舉人
幼穎悟經史詞賦靡不究心宰漢陽均徭平訟
除盜賑饑政難殫悉尤喜修學課士分校多得
名流值滇黔之變軍興旁午糗糧舟車戈矛繩
鐵之屬莫不咄嗟立辦不以銖黍累民蕩平後
陞南安州牧邑中歛錢助行却不受大僚以柏
有幹材調昆陽招集逃亡課耕勸讀擒賊魁贖
難民政蹟丕著戊辰丞京兆尋擢戶部員外郎
監督海運倉出納不苟再擢刑部郎中慎覈爰
書獄無冤民上官倚重之後致政歸里恂恂謙
謹惟以訓課子姪爲事足迹不入城市知縣牛
兆捷聘爲鄉飲大賓士庶咸稱爲名實相副云
唐象益字受人號東園少有雋才工翰墨衡文諸
當事見咸異之未幾果中丙午鄉試第一自是
才名愈著選湖廣湘陰令三載中丞丁公以下
交相獎薦後稱疾告歸優游林下人咸謂未竟
其用云

唐納牖字白生號省庵山東鹽運使世熊次子也
七歲隨父宦京師肄業十載經史文詞靡不博
洽同宦先達咸奇之及父殉節濟南納牖年十

九哀毀伏闕陳情皆出至性崇正十五年就童
試輒冠多士旋食餼 國朝定鼎登丁酉賢書
已亥考擢司李職後奉 旨裁汰司李改授河
南虞城縣知縣精勤慈惠任兩載以河決被議
虞城人愛戴之攀留不克歸里適際逆變孫延
齡屢檄逼仕納牖不受職著有洪愛堂詩文集
手錄本邑志稿遇公事關乎邑之利弊者力爲
當事請命梓里多有裨益康熙二十二年巡撫
郝公浴徵修省志賜額曰三江文獻

時之華康熙癸酉舉人蒲城縣知縣著有詩集入

灌陽縣志

卷之十一

列傳

十一

祀鄉賢

文大濬字葦杭號清泉有文名康熙癸巳鄉薦連
捷進士翰林院檢討丁酉庚子順天鄉闈分校
得士皆知名門下送楹帖云文心直擬蓬萊島
筆露頻沾桃李蹊志不忘衣鉢也

王景昭字德遠生穎異康熙丁卯賢書山東陵縣
知縣興利除弊盡心民瘼士民感德製錦頌之
以疾歸

卿 悅字季兌號嵩年康熙壬午解元戊戌進士
授翰林院檢討職館八年保舉吏部驗封司郎

中悅性謙和質直好義邑人陸生楠爲工部主事罹刑爲斂骸骨歸付於家同鄉凡靈柩在都不能歸里者無不罄力相助相國陳文恭常舉其氣節以告同人善籌策部務每裁決悉中窾竅堂官以下咸倚任之有相臣爲妾請封已有成命悅引典禮裁抑之以是直聲震京師

上亦目之曰忠厚因是自書一聯曰迂疏愧負人推許忠厚欣承天品題記實也

上旣知公方嚮用以江右學使

命下而卒貧不能歸喪賴同鄉少司寇楊嗣璟周章

灌陽縣志

卷之十一

列傳

十三

得歸塋之尹相國文端公及文恭公嘆慕其賢德遣人來家吊奠焉

王振儒字以道號行素江口王師說子幼慧習父所著禮記集觀爲文典贍康熙辛卯舉於鄉有才識遇事敢言邑中舊有值年之役吏胥侵漁擾累闔邑苦之儒委曲請邑尹謝謀除之俾數百年之困紓焉邑呂姓有僕孫名唐德清者家尙富時朝廷詔設農官德清賄冒充又令其子與童試令將收考儒援例力爭乃止嗣授河南林縣知縣吏胥徵收剝民儒置權衡於公所

聽納戶自行較封書吏惟會計而已弊既除積
欠者咸踴躍輸將官聲大震 朝廷頒漕州縣
以備賑儒以秋貯春發恐霉爛設法教民備之
漕果無損上憲廉其政善惜捐館於林署

蔣 鑑字鏡羣號石溪乾隆辛酉舉人安徽含山
縣知縣性友愛已有子庭濟更請兄季子庭溶爲
子曰弟僅一子兄乃三焉今分其一兄弟不適
均乎此可以徵怡怡矣在任有惠政民以父母
愛之嗣歸造橋名含山以利行人至今德之

莫應斌字士雅號仲敬受庭訓勵志潛修登康熙

灌陽縣志

卷之十一

列傳

十三

癸酉賢書辛卯授直隸懷安縣任邑學校不振
斌至留心教育紳士涵濡德化蒸然丕變康熙
五十四年西陲軍需旁午兩驛大差入旗師旅
絡繹於道備鞍運米出塞履霜冒雪調度咸宜
一毫不累於民五十七年擬兵部職方司主事
授工部屯田清吏司主事直

內閣會典館纂修總內外任咸稱厥職誥授奉直
大夫致政歸里恂恂謙約捐祭業以祀先人訓
子姪以積實學子十人得議叙四賢序廩餼四
國學二嗣孫繁衍克繼書香可以徵世澤云

卿 彬字雅林號永瞻歲貢生六歲孤孝心純篤
結廬墓側隕泣焚香奉侍此永瞻之所由名也
母多抑鬱並迎居墓側疾服藥不解帶歿常依
倚靈帷坐立處至蹴成深窪不知食味不辨日
月既免喪以課兒註經爲事然多居墓側聞家
居靜夜每獨出佇望墓所祭則必誠必敬每歲
除必分所有以給貧苦稟性純粹理悟精微著
有周易貫義洪範參解律呂參解楚詞會真古
詩十九首註千字文註戊申長子祖一領鄉解
辛酉挑一等試用廣東署東安縣迎養公作官

灌陽縣志

卷之十一

列傳

十四

箴十條皆興利除弊有益於民者嗣署海豐聞
有圖吉傷母墳者悲悼成疾卒兒輩思之爰繪
墓廬圖壬戌三子祖培成進士入祠垣名流見
其圖多題詠安化陶雲汀爲具呈請入鄉賢
翟士烈字承謨號鶴亭有至性幼失怙恃從師讀
敏甚爲文單心精微年十七補弟子員二十五
登乾隆庚子賢書以祖母年高不起春官潛心
性理諸書于宋儒尤推尊周子謂其資純粹聞
道蚤也平居講授務在明理以敦品爲實踐而
體貌恂恂不以賢智先人初翟氏宗族積猜嫌

素不相能烈心痛之然皆諸父行勢無如何委
婉勸導每至涕泣長跪自撾久之怨遂釋甲寅
會試報罷北旋適同邑王汝寬中途病故醫藥
棺衾經理備至復籍記其餘資秋毫不苟士林
避之遞截取雅不耐吏事呈請就教選宣化教
諭到任諄諄以理學爲誨諸生共慶得師任五
年卒于官羣痛惜之

唐 鵠字振羣號松泉乾隆庚子舉人山西屯留
知縣端方正直履潔懷清家窘舌耕爲業訓迪
有方館清湘蔣宅數年景慕者每嘆無坐處及

灌陽縣志

卷之十一 列傳

十五

從仕志在利民嘗曰今之爲政者率以三八日
收詞豈

朝廷定此例耶設民有急寃必待四五日乃伸爲民
父母之謂何因大開閣門任人隨時入訴近者
立審結遠者限一二日久之幾至於無訟民呼
曰唐青天循聲達於省會時當道尙逢迎鵠節
峻不爲謂我不取下一文那有一文奉上或以
遠地苦差難之鵠曰此其分也該縣向多雹損
人物鵠精誠禱於天雹亦爲止民謹曰我青天
又得禦雹法也益感戴之戊辰分校得人山西

士在都相語猶稱唐青天云

卿敏德字觀成號雲亭乾隆庚子舉人梧州府教授兄弟三人父如葵歲貢生選訓導未赴家貧甚不能盡教讀命牧牛乃携經書置懷中取讀夜無油拾人遺茶子易之照字功刻苦能耐饑寒肄業秀峯以瓦罐熬粥計偕及赴挑不火購燒餅食初補富川教諭該俗有與秀才訐訟者多質於學官入鈎金錢五六百向以爲利敏不受但委曲勸諭而還其牘或謂之曰可惜你做官有現錢而不知取也敏笑應之曰我也可惜

灌陽縣志

卷之十一

列傳

十六

似能善取錢而不得做官也時同齋分財每多自取而少與敏弗省也子以告訓之曰我與若官一也彼之子弗能讀父書坐而冗食爾幸傳家學歲授生徒計所得脩脯足以相償斯已矣其襟懷恬澹如此平日接人天真爛漫無智愚賢否皆愛敬焉次子祖勅甲寅科孝廉惜先敏十餘年卒

卿祖一字六成號西坪鄉賢雅林長子也生歧嶷五歲能通經語夏月食苦瓜曰自我不見于今三年相傳爲美談讀書依父訓刻苦用功嗜經

書不間昕夕戊申場務畢次晨輒讀舊知翟士
烈探視聞書聲初以爲他人而不料卽一也勤
讀若是揭曉得元年二十二乙卯隨同人計偕
坐江山船浪花擾擾每食同人援以爲樂一恥
之攜一簞至船頭獨食蓋玉界尺不以微瑕玷
也其品行類如是辛酉大挑掣廣東任東安海
豐令鄉賢作官箴十條奉行有循聲坦園五泰
以翰林任知府至海豐贈詩云教孝作忠根慈事
學使朱虹舫題鄉賢廬墓詩云嶺表尙留循吏
澤此可以知其政矣惜接丁內外艱悲傷過度

灌陽縣志

卷之十一

列傳

十七

喪未闋輒擗鬱而卒

卿祖培字錫祚號滋圃鄉賢永瞻子嘉慶辛酉舉
人壬戌進士入翰林幼讀書穎悟過人博通淹
貫尤嗜力經書終食不離嘗手錄十三經攜帶
爲文多精微深刻十六歲入庠食餼辛酉由拔
貢聯捷選庶常癸亥聞父卒奔喪接丁內艱家
君主秀峰二年及散館授編修屢邀

聖眷爲協修纂修者數次丁丑會闈分校得士皆知
名及入諫垣也奏嚴竊盜以安善良禁賭博以
清盜源申教法以端士習除積弊以裕民生等

事由是晉工科給事中轉兵科掌印給事中授
內閣待讀學士旋授太常寺卿派稽察右翼覺
羅學向師多不宿館培令館宿日與諸生言學
一日二十餘人蓄疑就質諸生感激以爲得未
會有詎務繁勞過以疾歿諸生痛哭計自辛未
至壬午每事必盡職惟勤於 國家利弊民生
休戚人心邪正政治得失有所見悉以上達惜
未罄學問以抒經綸而遽逝也

唐國玉字瑞節號潤卿乾隆乙酉選拔庚寅 恩
科舉人七歲失怙叔父學一延師教之讀及長

產旣析學一以拔貢試用湖南州判歷署州縣
多賂累將玉產變價填補無吝任懷遠學博見
士林莖親從陋俗力懲之風稍變以母老告養
回籍十二年卒子逢年恩貢生孫紹宗紹容廩
生

唐滋椿字壽宇號思齋乾隆甲午舉人學博品端
任廣東信宜縣知縣署崖州知州實心實政士
民感德於崖署之文昌閣立長生牌刊政績紀
蔣植槐字祐庭號錦林幼襲父業儒下帷攻苦中
乾隆壬子舉人爲文浩蕩因事育計教讀于柳

郡有名者多出其門計偕二次不第房師涂聘
主西席兩年及大挑赴全倏以疾卒生平不飾
詞不越矩

蔣庭濬字深甫號邃菴乾隆丙午科舉人思恩府
教授敦行孝友持已端方伯父鑑歿一年中子
庭濟夫婦相繼歿遺孤榮六歲濬扶持禦侮賴
以保全訓誨督率榮得成名庶母弟庭滂襁褓
中父命出繼總服弟家綦貧濬分田與之庭滂
得生理小康皆濬賜也族黨每欽仰云

蔣作梅字汝和號念亭乾隆五十九年舉人嘉慶

灌陽縣志

卷之十一

列傳

十九

元年進士四川南川縣知縣資穎慧家極貧父
恩貢生榮芳挈徙大山魯草塘耕讀缺膏燭命
梅采樹皮夜燃以照讀數年爲文警拔工於歌
詩摹倣名人書法咸得其神韻十九歲童試冠
軍五十九年大比補歲試應科試均優等接舉
於鄉次年成進士家居七年掌宣成書院湖南
營道書院功進學富暇則習騎射銳志功名嘉
慶九年選南川勤敏政事訟至立決歷一年園
圉爲空自是捐俸修路造橋廓學宮纂邑志置
書院膏火卹里閭孤窮士民德之復捐白銀三

百兩本邑龍川書院得以告成有補於通縣可謂事無不美矣

蔣堯佐昭義鄉青岡人家世力田致富至堯佐喜施與里有吉凶不舉者必厚贈之毫無吝色嘗語人曰向聞馬伏波云凡殖貨財貴其能散也積而不散守財虜耳吾力雖不逮心竊慕焉嘉定十六年飢堯佐出粟賑濟五日又發廩自二月朔始至七月早稻熟乃已邑人賴以全活者甚眾邑丞張之才申聞當路乞加旌賞安撫待制真德秀檄縣於所居立施惠坊以旌之

灌陽縣志

卷十

列傳

十

蔣志灌陽人赴義慷慨有請必應歲荒出粟二百石助賑有司為記諸石舊志曰一節之士予重錄焉何哉去古日遠學裂而性情之德衰苟勉於力所能及亦足以敦鄙廉頑故表而出之

見全州志

明

唐 沾昭義人宏治十一年戊午歲大飢沾散財賑濟附近居民賴全活者甚眾邑令白其事奉詔封義相官人

王家柱字殿九崇正八年拔貢生樂善好施精究

醫術 國初王師未到金灌一帶爲焦璉郝永忠曹志建等屯兵蹂躪民不聊生自丁亥至辛卯飢饉相仍殍屍載道家在借邑之好義者數輩發粟作粥賑濟飢民連年不輟兵荒之後時疫流行復廣施湯藥全活甚衆鄉人號曰王菩薩其母周氏年八十餘家柱曲盡孝養隱居不仕以壽終有子四之驥之驥之騏子孫四世猶未析爨

陸經宗字泗水爲邑諸生有文名每試高等然數竒五赴棘圍不遇遂棄舉業寄情詩酒以自適

列傳

二十一

灌陽縣志

卷之十一

嘗棹小舟放浪於山涯澤沚間且醉且吟舟中惟携老莊楚騷唐詩數卷晚年詩益工金道隱先生被讒後稅執建陵聞泗水能詩相與郵筒往來彼此唱和稱莫逆焉

陸衡敬下鄉大車田人生平仗義好善樂施於正統二年修明倫堂景泰五年建德興橋天順癸未建會湘橋有禰地方疊紀其實於藝文內莫可爲字思成邑諸生性敏嗜學弱冠下帷足不出門闕博通羣籍七因棘闈無幾微得失念以艱故遂息進取教子能學輩以進退出處之義

能學志量過人凜父訓終身不入城市結茅三峰泉石間日耕夜讀嘯歌自得雖至戚罕覩其面邑人稱隱君子必首二莫云

莫世英字俊明邑之篤行士也性孝友有幹材康熙甲寅吳逆變亂湘灌院檄舉幹材督鄉勇辦軍需劄世英爲觀音東秀龍山仁江四堡長身任之迨武林將軍兵破連州三月每堡派夫二百人往交市世英言於縣尹曰農事方殷少役一人一日則民受賜不少密遣心腹往營探緩急雖羽檄頻催獨毅然維持不累於四堡五月

灌陽縣志

卷之十一

列傳

十一

師果竣四堡之人感德嗣叙功以武職獎用堅謝之退居茅舍課子應斌入鄉薦由知縣擢工部屯田司主事內外有循聲英之教也

文王卿字映西生平力學攻苦文行兼優試輒高等天啟丁卯科備卷賜額曰預兆飛黃崇正癸酉科備卷賜額曰儲才待醮壽八十有四

王仕嘉崇順堡清塘村人其胞弟曰倫曰昌業儒國朝初年有曹志建等蹂躪鄉村迫令充餉不從欲殺之嘉以弟尙未有嗣請以身代曹夕其請釋二弟而殺嘉時年二十四以一身而全活兩弟

人服其奇節

王之驥字龍友邑廩生賦性通敏遂心理學每試輒列前茅尤敦孝友重氣節知縣單父牧以國士期之循例起應康熙十一年分歲貢適丁母憂未赴康熙十三年將軍孫延齡叛之驥繫家遯跡深山賦三峯烟雨以見志延齡慕其名次年五月檄下有司迫令出山督餉之驥憤恨疾作行至城西與賢坊堅臥不食而死時年四十五有五所著有格致集

嚴

亭上鄉人爲陰陽學訓術請築都江四十四

灌陽縣志

卷之十一

列傳

三三

堰蓄水以資灌溉邑人德之

省志

何昌儒下鄉人父應智患足疾將死昌儒籲於天一夕夢神示以膚血調藥可治既覺即潛割其左臂和藥傅之稍止遂三割臂以治不旬日而父患竟愈族隣欲舉於官昌儒固止曰虧體療親疾愚計也敢藉以沽名乎

省志

呂釗下鄉人讀書恂謹然素負節氣慷慨能任事嘗以已地建文廟捐金爲眾倡鳩工庀材獨肩其勞以告成功而以布衣終其身

金志

唐時儒字又許號倚石康熙壬辰歲貢以孝友聞

事兄時中極愛敬兄故視姪猶子常以舌耕金助之爲兄立祀產學術淵博著有樂善集常館於桂林上鄉凡知名多遊其門癸丑遷榔城訓導文至門生留曰先生雨化榔城猶雨化吾邑也何舍此而取彼時儒亦不忍舍及門雖檄催數次弗就性樂施成梁修道桂林北門十里外大道曾捐貲修數百丈碑尙存

王振秩字慎五號叙齋江口人秉性正直樂施與宗族貧乏者至除夕酌量分濟錢穀異鄉有喪不能歸者購地於楓山側任其埋瘞縣西有芹

灌陽縣志

卷之十一

列傳

十四

菜橋獨力架以石道路嶮嶇必修之尤精醫著有醫案祕要三卷嘗曰吾聞之良醫可比良相以此濟人不少

陸灼字亮廷邑增生舉人陸生椿子湖南慈利縣知縣陸振基父也品端心正舌耕爲業苦教子讀孝友肫篤胞伯水部公從軍塞外歸化城其子安置奉天府灼爲嫡弟兄家無石擔積舌耕餘貲不辭萬里勞苦親往探視兩次嗣子振基解組復命捐田爲水部公祭產撫服裔承祀乾隆四十八年邑令濮啟元倡建文廟徵灼總理

立心制行皆可風里黨焉

王汝弼字右臣郡廩生克敦孝友讀書不務虛名
乾隆三十二年學政朱選入優貢例得揀選疾
未赴澹泊自處品行著於鄉

史如璣字玉衡居老石橋以離居一里許有山突
起一峰昂霄竦立上多古松故號曰松峰生稟
異姿少輒好學於書無所不讀根柢深故言皆
有物語妍氣清儵然有出塵之趣其制義力追
先正每試見賞於文宗如映山查公裴山錢公
謂其文精醇爾雅蚪珠拱壁秀絕西南也鄉賢

灌陽縣志

卷之十一

列傳

五

卿彬讀其文謂其有功於名教油然而令人生孝
弟之心困闡不遇怡情山水興諸歌咏風格有
古人遺意書畫亦精妙求者得其片楮皆什襲
藏之天性醇篤事親孝又友愛諸弟嘗以宗子
出數十餘畝推讓於從子其孝友如此

何其純號心一性淳厚父東採嘗以幼失怙未讀
爲恨純年十七始命從師學二十二爲邑諸生
父性素嚴純百方承順惟恐不逮平居與人一
以慈愛相接利濟之事嗜若饑渴家雖不裕人
負債弗能償輒焚其券前後不下數百金人或

以陰德稱之則曰不爲子孫蓄怨此吾父之志也敢以爲德乎

蔣銳號蓄齋郡增生初名一錦字襄七入武庠其高祖瑞鯉曾祖旭在皆以文舉任縣令祖元戎僅以文學終生父敏中康熙辛卯武舉蓄齋兄弟五人仲鑑四鑑皆入武庠季弟銘應武童試鄉鄰有祖考文章華國弟兄武畧經邦之語蓄齋憤然曰班定遠投筆封侯議者病其不能讀父兄之書今吾家盡習武先世書香替矣於是棄而就文歲試入府學第一試牘刊其制藝三

灌陽縣志

卷之十一

列傳

三

首因竭力訓課仲弟令亦棄武就文遂於乾隆辛酉科以五經中式又教育胞姪庭濬中乾隆丙午科文魁士林稱其家書香蓋自蓄齋復興也性尤孝友弟兄分居推腴田與諸弟而自取其下者真不愧古田氏弟兄云

劉良準副榜昭平教諭永代長子幼聰慧早入學食餼娶妻蔣氏望族也自少患瘋疾妻父慮其不足爲壻偶使媒諷令別娶執不可旣婚飲食起居皆需於準而準於伉儷無間焉親友勸其納妾亦不從後育二女準未四十而卒人謂士

如親母爰於別墅題芳樂額蓋取青蓮晏桃李
之芳園叙天倫之樂事意也爲人真實能應事
嘉慶二年百色有軍需急務知府宋擢懷辦理
夫差九年邑侯尹知其賢聘建城中文昌閣官
紳仰之平日非公不至城惟課子若孫勤讀故
三世咸列庠焉

蔣卜德字勉之號瑤圃其父倬性篤孝能詩偕弟
倌隨叔父式瑜永清任倌肆倬謹永清鍾愛倬
送入監肄業倌拂意僞致信云母故倬得書驚
痛乘驟涉春漲中衣襟盡濕受寒疾至署疾篤

灌陽縣志

卷之十一

列傳

二十六

尋卒時卜德方四歲幸生穎異少好學亦嗜詩
浸淫於古詩唐宋諸家出語驚人書法亦好古
不落尋常蹊徑乾隆壬寅甫童試以詩冠軍季
父榘仕蘇州元和諸縣卜德遂絕意名途奉母
就養姑蘇胸襟洒落眼界較寬與名流唱和詩
益工復善琴嗣季父陞沙廳丞遣卜德脩祠墓
嘯歌山水官紳仰其賢求詩求書者日滿戶所
著有懷忠堂全集刪詩餘草諸書銀臺張鵬展
選嶠西詩鈔聘之鑒定邑卿鄉賢史明經尤深
契之故皆以詩傳云

戴銓字萃廷號竹樓邑增生爲人溫厚和平閉戶
篤學不干外事不履公門學中人嘗以澹臺子
羽方之其父紹元爲武科榜首囑銓曰望我後
人讀書勿習武銓承父命於家塾課讀極嚴密
子姪十人皆有儒士風姪汝淳中乙未亞魁子汝
漢登癸卯賢書淳之座師翰林院修撰汪郎渠
以淳出自銓家訓因贈承先啟後額誠實錄也
周文正仙源洞人鄉賢卿彬爲之傳曰居今世而
欲樹丈夫之義盡人事之當然自非遺世俗之
非笑而斥辱之不可得也此非丈夫之行詣高

灌陽縣志

卷之十一

列傳

三

而累俗蓋風俗之變離經旣久少見中庸轉資
駭異也吾邑周君文正先生非古所稱志潔行
芳者哉居恒入孝出弟動遵禮法居喪三年食
髓粥枕寢苦塊未嘗見齒有來弔者于其去遠
也遙望而叩謝之宅前當溪有橋買杉材者資
流以運里人率眾勒取其金以新此橋先生阻
之不得遂終身迂其出入而勿履也有戚某拓
落不羈庠中親而北之號爲達人居喪觀戲先
生遇而責之曰於汝安乎渠抗聲以安應之先
生拂然徑去一時撫掌而助達人之笑送者十

數而未有已也其鄰固多農家遇婚喪事輒往
司筆札諭其禮儀鄉人敬而愛之家貧以舌代
耕講訓經典必令肅衣冠如對聖賢坐作進退
繩以規矩然及門恒寡卽從遊者亦祇師其文
章而背譏其迂腐也余家違先生居頗遠善行
惜不盡識然觀此數者概可知矣嘗竊疑古人
砥節礪行百世之後猶聞風而起先生制行卓
卓所宜薰其德者而皆善良矣乃不能取重於
時而轉致輕侮卽余所得是數端於人者亦以
爲戲談而傳誦於余也是何古今人之不相若

歟余意先生之行卽不盡合中庸亦季次原憲
之流亞也不克善俗亦何至負俗之累若是蓋
世變異趨人心之不古也亦已甚矣然余嘗詢
諸近鄰之父老固咸道先生之盛德不置是豈
所謂絀於不知已而伸於知已耶蓋農人樸茂
未鑿故先生以誠覘之而孚於天彼今所謂民
之後秀者皆鑿混沌以爲靈者也愛先生之文
而苦先生之迂屈身事之以爲吾棄其短而節
取其長焉耳彼方矜其術以取師則師之不能
使之傾心於方正之道也固宜第涼德之言不

見於農家而出於士子則莊生所謂儒生以詩禮發塚者夫豈過歟予憤時人之好惡不明而尤懼芳型之沒於眾口也特表而出之違時矯眾亦自知蹈於非笑斥辱之機而莫之脫也然而不復顧矣

唐昌字日仲號暉亭邑庠昇字日叔號雲堦其三弟也幼業儒兄弟相依嗣昌隨父任粵東捐從九品昇則家居課讀為人重倫常講大義凡事之有益地方者不吝貲竭力任之壬辰江華騷匪滋事下鄉老成集策防堵以昌家爲東道三

灌陽縣志

卷之十一

列傳

卅一

嗣府憲與叅將滿駐劄文市所需一切皆應之官紳咸誦其義

武畧

宋

唐大隅生有異質智畧過人紹興初年曹成陷道州岳飛提兵破之檄隅剿捕餘黨隅收降五千有奇聞於朝獎授督寨弓馬使以冠帶充名色把總理評鄉事間閉肅然見唐氏家譜

劉飛漢灌陽千戶所

國初廣西甫平守備曾世珍鎮灌陽飛漢以祖父世受明恩乃詣城下呼曰非敢逆也願死以答先朝畢吾志耳執之解院司冀其歸心卒不可奪

灌陽縣志

卷之十一

武畧

三

破誅世珍復殲其二子赦志乾隆四十一年

賜祀忠義祠

勝朝殉節錄

朱大寶灌陽百戶所部下軍人順治三年羣盜夜

砍城行劫大寶巡邏見賊突至奮勇手擊一賊

曳至縣前羣盜蜂集為所殺邑人立像祀之一統志

劉需上鄉人順治初亂賊曹志建踞龍虎關僭稱

國公肆荼毒需奮起招義勇屢敗之後為曹賊

所擒謂曰誰為爾主此謀者試言之吾貸汝死

需厲聲曰汝之悖逆吾恨不能手斷汝賊怒副

之人皆憤惜金志

劉友安崇順堡海山村人生有勇才明洪武年間
流寇何與將肚肥子周矮哥據義城里以亂二
十六年安起義請縣結文晉京叩閭陳情上喜
其勇義命與兵四萬入千以安爲先鋒先行屯
兵馬槽山因單騎勢弱被執罵賊不休喪其元
十二月二十八寅時兵到三寇就誅馬指揮招
服人民改義城里爲復順里卽今之崇順堡以
安失務未叙功然爲地方死難其節不可泯賞
以田今尙存其名曰馬溪屯